

處、此度御預け地に被仰付候。

一、與村家歷世墓碑銘

故從五位下朝散大夫豫州刺史與村君碑銘

洛陽 木貞幹直夫撰

所謂故國、非有喬木之謂也。有世臣之謂也。世臣者、乃祖乃父與其高后先后、患難憂危、相與共之。而後世子孫樂利安榮、與國同休戚者。我於與村氏見焉。與村氏姓平。其先在筑陽號福富氏。世爲前田氏家臣。從前田氏自筑遷濃。自濃遷尾。食采於尾之與村邑。遂曰爲氏。君諱永福。俗字助右衛門。自幼稚健有異。常兒年十八爲前田氏守荒子城。有守不假器之譽。亞相公善之。元龜元年織田氏攻越前金崎城。亞相公爲前鋒。君從之。苦戰獲首級。其秋織田氏討攝州天滿賊。班軍之日公殿之。賊衆四起危殆特甚。公奮擊却之。君與村井某力戰傷股。凡織田氏之經營四方。公必從之。公之櫛風沐雨。君未嘗不執錨約而從。北陸漸平。織田氏乃賜公能州。居七尾城。織田氏之難。能州舊族溫井氏三宅氏復入石動山。築壘於荒山。公急擊破之。織田氏對君有斬獲之功。柴田之滅也。豐相國益封公以賀州。公自能

州移鎮金澤城。跨有兩州之地。初佐々成政同公仕織田氏而不相能。於是乎成政領越中。與賀能壤地相接。竊懷覬覦之志。能州末森山。控賀臨越要衝之地。公爲築城壘而難其守。輿論之所歸令君守之。天正十二年九月。成政猝帥大兵。襲末森城。急攻一日一夜。城將陷者數矣。君與榮明奮膽鼓衆。誓死固守。內子加藤氏。持長刀率侍女。巡城拊循。士皆感激。勇氣百倍。易英尙少。復能放矢石。使間告變於金澤。公聞之投袂而起。屢及於門。馬及於市。與長嗣贈亞相公。馳往救之。黎明至末森。直進擊佐々兵。君亦開門夾攻。鏖戰數刻大破之。成政狼狽而逃。公及贈亞相公。感其忠赤。並賜褒書。公復賜其日所用鐘鎚牙旗。金裝腰章。金甲冑。大小寶刀三口。及黃金若干。君之功名於是乎赫奕矣。夫國家之興亡。戰爭之際。必先有一大壘。扼敵人之魄。而彼勢蹙氣沮。以至滅亡。長平之敗。趙不復振。淮淝之岷。秦自是斃。自末森之失利。成政心悸力衰。終喪其國。公之所以能創業於三州。職此之由。然則君之忠誠憂勞。與國同休戚。無愧於世臣也。天正十五年豐相國征島津氏。命贈亞相公攻豐前巖石城。君爲先鋒。攀堞入城。中石傷甚。其伐北

條氏。命公由信州而入。攻野州松枝城及武州八王寺城。拔之。君揮戈先登。榮明易英馳入敵軍。俱獲首級。豐相國之平定宇內。凡邦國之臣。有奇勳偉績。間所榮拔君與其選。階朝散大夫。任豫州刺史。遂賜豐臣姓。復屢奉謁東照神君台德幕下。時有獻幕府。賜以黑印御書。陪臣之賜御書。世以爲榮。君少而剛。長有守。老益壯。歷任亞相公贈亞相公及黃門公數十年所。頻蒙恩遇。國政軍令。莫不與聞。晚年讓祿榮明。自號快心居士。君以天文辛丑歲。產于尾州荒子邑。寬永紀元之夏六月十有二日。病卒。金澤私第。享年八十有四。某月某日葬野田山麓。君娶加藤氏。有子男四人女一人。長榮明以襲父。位五品守河州。次易英。次榮賴。榮賴有故去國。季某早歿。女嫁小塚氏。慶長庚子。贈亞相公攻大聖寺城。易英先衆入金丸。短兵急接。敵傷吾足。遂進敵其敵。凱旋之間。我後軍遇敵而亂。榮明嚴整部曲。競發矢石。敵兵披靡。歲甲寅有事于浪速。二子從黃門公。榮明爲隊頭。應衆而進。易英屬前矛。直逼城下。砲銃雨注。殪仆麻亂。易英被創不撓。勵衆不退。人服其勇。明年役之再籍。易英居守。榮明從行。復爲隊頭。獻誠數十級。遂晉謁幕府。

賜金勞之。榮明卒。子榮政。孫榮清。相繼爲國老。榮清歿。榮尙復克厥家。易英有寵黃門公。數加食祿。遂參政事。易英長子和尙先亡。孫庸禮嗣秉國成。夫榮明易英金玉友。兩家屹立。爲國柱石。賢子令孫。綿々繩々。安榮榮利。俱沐優渥。此復君之餘慶也。今其孫子之所以碑之銘之。不忘永久。而余之樂言其美也。於戲野田之喬木。垂蔭於千載。金城之洪基。流澤於百世。君臣交泰。士民輯睦。則所謂北方之強者。其將使後人復頌後人也。銘曰

於赫大邦。肇基北陸。奄有三州。咸宜百祿。矯矯虎臣。與村其族。奮武末森。固守挫銳。賈勇巖石。先登乘勢。英聲高翔。餘慶下濟。貽厥有素。友于偕臧。一夔足矣。二惠競爽。光輔五世。如棟如梁。野田岡隴。松柏參天。幽闔深鎖。貞珉云鐫。不磨不泐。千載可傳。寬文十有三年歲次癸丑夏六月十有二日

孝玄孫 榮尙 同立
會孫 庸禮
配 故朝散大夫豫州刺史 奧村君 墓